


mba 126

Trinde, 1 Oktoba, 1975


Prais 10t

DI Independens De Selebresen



ntap: Independens Hill

Daunbilo: Hubert Murray Stedum.



Published by Wantok Publications Inc., P.O. Box 396, Wewak. Phone 86.2488. Printed by Wirui Press, Wirui, Wewak.
Registered at the General Post Office, Port Moresby, for transmission by post as a Qualified Publication.

PAS I KAM LONG EDITA

Sapos yu gat tok, yu raitim sotpela tasol. Sapos yu raitim longpela, bai mipela i sotim. Yu mas raitim nem bilong yu tru long olgeta pas i kam long mipela. Sapos yu no laik mipela i prininem bilong yu tru, orait yu raitim wanpela narapela nem bilong yu.

MINISTA STRETIM

TOK LONG GRAUN

Dia Edita.- Long "Wantok" bilong Trinde, 6 Ogas, 1975 i gat sampe-la toktok long pes i long ol nupela lo bilong ol sitisen, Konstituen Asembli i bin votim ol long Julai. Long dispela toktok i tok olsem, ol husat autsaitman i laik kamap sitisen bilong PNG ol i no gat rait aninit long Konstituen long kamap papa bilong graun inap long 5-pela yia bihain long independens. Dispela toktok i no stret, na mi laik toksave long ol rida long "Wantok" long wanem samting bai i kamap long Konstitusen long dispela.

Insait long Konstitusen i gat lo long strongim ol rait long ol sitisen long graun bilong ol. Dispela lo em i samting long banisim pawa long Haus ov Asembli long votim wanem lo long laik bilong en long daunim ol rait bilong ol sitisen long graun.

Kain lo olsem long strongim ol rait bilong graun ol i bikpela samting long lukautim sindaun bilong ol sitisen bilong PNG. Tasol, long laik bilong Konstituen Asembli, dispela lo i no ken kamap long ol rait bilong husat autsaitman long graun bilong en. Na tu, em i wankain insait long 5-pela yia long husat autsaitman em i laik kamap sitisen. Ol aut-

saitman ol i inap bosim graun bilong ol yet. Tasol Haus ov Asembli i gat pawa long wokim sampela lo long graun bilong ol autsaitman long laik bilong en yet. Thomas Kavali, M.H.A. Minista bilong graun.

KISIM BEK PASIN TUMBUNA

Dia Edita.- Long dispela taim wanpela tok i kamap moa yet, em i gutpela tok. Sapos yumi skelim gut, tasol planti yangpela pipel ol i save karamapim ol kain kain hambak pasin bilong ol yet long dispela tok kisim bek pasin tumbuna.

Mi wanpela katolik pris, waitman na mi yet lukim planti yangpela pipel ol i no save harim tok bilong ol bikman. Ol i no save marit stret planti i pas wantaim man o meri pastaim long marit bilong ol. Planti yangpela man ol i no kea long ruruim meri. Planti i givim bel long ol nabaut, planti i les long wok, planti i gohet long spak pasin, planti i stil, planti i no kea olgeta long ol samting i santu.

Bihain ol i bikmaus na ol i tok: mipela i kisim bek pasin bilong ol tumbuna.

Dispela tok bilong ol em i no swit olgeta long tingting bilong mi. Na olsem mi bin askim sampela bikman na lapun long pasin ol tumbuna i bin mekim bipo. Na wanpela bikman i bin tok olsem: Lo namba wan bilong ol tumbuna, em yu harim tok na bihain-

im, ruruim narapela na ol samting bilong em. Meri i mas stap longwe long man pastaim long marit bilong em. Planti tumbuna i bin spirim man i bagarapim meri. Na olsem tasol....

Pasim bilong ol tumbuna i narakain olgeta long pasin nogut, planti pipel bilong tude i save mekim. Na olsem ating bai i gutpela bai Wantok Niuspepa i tokaut stret long ol pipel long ol gutpela pasin bilong ol tumbuna bipo. Nogut gutpela nem bilong ol tumbuna i bagarap long tingting bilong planti man na meri bilong tude.

Husat i laik yusim dispela tok: go bek long pasin tumbuna, orait em i mas rausim pasin nogut pastaim.

Meinhard Wittwer, MSC
C.M. Silanga/Kimbe.



MINISTA PASIM AI

Dia Edita.- Mi gat bikpela belhevi long Minista bilong Plis, Mista Pita Lus. Sapos em i save haitim sampe-la pasin les o rong bilong sampela plis bai em i ken helpim na stretim wok bilong ol olsem wanem?

Inap las yia na i kam inap nau taim ol man i putim wari, Minista i save helpim ol plis. Long namba 21 de bilong Ogas, mi harim long

"NBC Intaviu" sampe wari em mista Fra Martin wanpela bisni man i putim i go lo ol plis, na bekim b long minista i wanka olsem planti taim em save mekim. Ansa bilong em long ol plis i no g inap ka na wok i no sa go gut. Dispela i tawanwan taim, tasol planti taim nogat.

I tru ol plis i mek gutpela wok tasol sampela bilong ol i no save wok gut. Sapos minista i save haitim sampela trabel o lesiasi ol pipel i tokaut, m sori tru long wok bi long minista na sampel plis. Wok bai i no gutpela na moa moa war bai i kam long ol pipel Ating bai minista haitim na tok plis sot long ka. Wet ina trabel i kamap orai bai ol i baim ka stretim sampela pasin bilong ol, laka?

Husat i gat wari, orait "WANTOK" i stap.

M. Eriama
Port Moresby

PLISMAN I BEKIM PAS

Dia Edita.- Yes mipela singel plisman long Panguna i bekim pas bilong poroman ya, Anton Bil Unblada.

Yes, poroman ya, go het na toktok long wari bilong em, na tok; Ol duti long yunifom na save tromoi han long ol meri, taim ol i wokabout long rot. Orait, long ansa bilong yu, bai mipela bekim i kam long yu.

Mipela tokim yu poroman, ating yu wanpela kusaiman tru, laka? Lo bilong mipela plisman, taim mipela stap long duti wantaim yunifom,

Wanpela i no inap tru ng singaut long ol ri o long ol husat tok i wokabaut long .

Sapos plisman i duti em i mekim kain pasin sem, em i brukim lo long plis na bai em i s i gat kot. Taim em pinisim plis trening ng Plis Koles em i sim gutpela strongpetoktok na em i kamap sem plisman, na i go k ausait long olgeta nta.

Tasol poroman, ating yet bin singaut long meri, na ol i no bin dikim yu, olsem na yu tim tok long ol plis- un. Na tu nating yu mpela man yu save ap raun nating long un long painim meri asol no gat wok bilong i, Laka?

Nating wanpela taim i bin singaut long ol eri long rot, na plis- an i bin ranim yu long ot, olsem na yu sutim ok long ol plisman.

Mipela tokim yu plis- an em i duti em i wok- m wok bilong em stret. a yu maski long bulsit about na raitim dispe- a wari bilong yu i no at suga long en. Traim a tingting pastaim na u rait i kam long Wan- ok long autim wari.

Plisman i lukautim yu, taim yu slip long nait ulim nus, tasol plis- man i wokim wok bilong em stap. Nau yu lukim taun i kamap gut, na yu sindaun, amamas. Sapos i no gat plisman, yu no inap stap olsem nau yu opim maus na toktok long ol plisman.

Singel Plisman,
Panguna.

TINGTING BILONG SEVIM LAIP BILONG MAN.

Dia Edita.- Mi gat wanpela bikpela wari bilong mi, mi laik ask- im.

Long wanpela taim mi bin lusim Madang long 3 klok na mi go long Saidor Sab Distrik. Mi lukluk long dispela liklik bot na i no gat gutpela samting i stap. Tasol bot i bagarap long dispela nait na olsem wanem bai kepten bilong bot bai salim toktok?

Long tingting bilong mi yet em i go olsem. Inap long ol i putim ol redio wailis bilong salim toktok?

Em tasol pipia ting- ting bilong mi.

Madang Boy,
Panguna/Bougainville.

MARITIM WANPELA MERI TASOL

Dia Edita.- Long Wan- tok 23 Julai pes 4 i gat wanpela tok (MHA) memba bilong Sina-Sina Kabale Kale em i tok long "maritim moa meri"

Mi ritim dispela tok na brukim het bilong mi olsem ai i raun, na mi wari. Olsem na mi laik autim tingting bilong mi long bekim dispela tok.

Papua Niugini i kris- ten kantri.

Long Bipo: tumbuna bilong yumi ol i no save long God Triwan ol- sem na sampela i save maritim 2 o 3, 4 meri. Na yumi nupela lain hia yumi save long Baibel na gutnius bilong God, God Triwan putim Heven na Graun putim wanpela man tasol em Adam na Iv. I no putim meri 2 o 5 na 6. Nogat. Olsem yumi bihainim dispela na ma- ritim "Wanpela Meri Ta- sol".

"I BIN KAM LONG MISIN" dispela tok i BIKPELA GIAMAN. Misin i bringim tok bilong God na insait long Baibel o Gutnius i tok maritim wanpela meri tasol. Olsem na man mi bilip long God Triwan na laik kamap kristen em yet i lusim

arapela meri na maritim wanpela tasol. Nogut yu sutim tok nating long misin. Mi no save yu kristen man o haiden man na yu bilong wanem misin. Ol kain kain mi- sin i gat wanpela tok tasol long maritim wan- pela meri tasol. Sapos yu yet yu laikim maritim 5 o 10 o 15 meri em samting bilong yu tasol. Na i no ken sutim tok long misin. Em wanpela tok sem yu tok nating long ol misin. Mi sori. Brata, yu bikpela man, ol pipel makim yu long yu stiaim ol gut long tingting bilong yu i bagarapim pipel na dis-

pela kantri bilong Pa- pua Niugini.

Mi tok tenkyu tru long sampela memba i no laikim dispela aidia bilong en. Na ol i no laik long vot. Na mi tenkyu long Mista Mart- in Tovadek bilong Rabaul long tok em i bin mekim bekim dispela tok long daunim dispela tingting nogut.

Olgeta pipel long ilektoret bilong Papua Niugini skelim gut MHA bilong yupela. Man i laik kirapim pasin no- gut rausim em na votim nupela.

Maya Michael,
Lae Taun.

TU MINIT TINGTING

LUKAUT LONG SUTIM TOK

"Yupela i no ken sutim tok long man na skelim ol olsem jas..... Pastaim yu mas kamautim bikpela plang i stap long ai bilong yu yet, na bihain bai yu inap lukluk gut na kamautim liklik pipia i stap long ai bilong brata bi- long yu." (Luk 6: 37. 42.)

I tru tumas: yumi no save lukim kwiktaim rong bilong yumi yet; tasol yumi inap painim hariap long arapela man. Na yu save wanem samting? Dispela rong yumi yet i gat, dispela yumi save lukim hariap long laip na pasin bi- long narapela man. Bilong wanem? Em i wanpe- la trik bilong Seten. Em i paulim het bilong yumi na yumi tingting kranki olsem: "I tru mi gat dispela rong. Tasol sapos mi inap painim planti arapela man i gat dispela rong tu, bai mipela i planti, na rong bilong mi i hait in- sait long dispela bikpela hip rong ol arapela man i gat. Mi hait i stap na mi no sem."

Olsem na yumi wok long poinim rong bilong arapela man - dispela rong yumi yet i gat. Em i trikpasin, kusaipasin.

Na wanpela samting yet i soim trik bilong yumi, taim yumi wok long skelim o jasim ol arapela man. Em hia: taim yumi sutim tok i go long rong bilong narapela, yumi poinim em long pinga bilong yumi. Orait, nau yu mekim. Na yu lukim gut han bilong yu. Yes, wanpela pinga i poinim arapela man; tasol, sori, tri- pela pinga i tanim bek i poinim yu yet.

Dispela pasin bilong poin i ken skulim yu- mi gut. Em i makim plang (tripela pinga) i stap long ai bilong yumi. Na wanpela pinga i olsem liklik pipia nating i stap long ai bi- long narapela man. Na Jisas i tok wanem?

Ritim wantaim moa antap long dispela pes.



70,000 pipel lukim dispela so


* Antap: Misis Veronika Somare wantaim ol piki nini i lukim ol poto bilong ol yet WANTOK nius pepa i bin mekim, na soim long ol pipel.


* Antap lephan: Mista Alex Preo, man i bosim dis pela bikpela so, wantaim Michael Somare.

* Lephan: Mista Pius Kerepia, hetman bilong ol geta plisman, i lukim so bilong Air Niugini.


* Lephan daunbilo: Minista Sir Paul Lapun, wantaim Lida bilong Oposisen Mista Tei Abal, na Minista bilong Plis Mista Pita Lus, olgeta ol i g amamas long lukim ol poto bilong WANTOK niuspepa i stap insait long so long Moresby.

* Daunbilo: So bilong Pos na Teligrap.






YAMAHA **YAMAHA**



YAMAHA

ELA



MOTORS LIMITED


*Burns
Philp*

GROUP OF COMPANIES

YAMAHA **YAMAHA**



HIA OL BIKPELA MAN I NILDAUN NA PRE BIKOS OL I BILIP LONG GOD. EM INDEPENDENS LOTU LONG MORESBY.



AFFILIATED WITH LIFELINE INTERNATIONAL

LIFELINE PORT MORESBY

HELP IS AS CLOSE AS A TELEPHONE

P.O. BOX 6047
BOROKO
PAPUA NEW GUINEA

Lifeline Port Moresby offers a confidential telephone counselling service -

Family or personal problems:	Anxiety	Pregnancy	Marital
	Stress	Personal relationships	Suicidal
	Alcohol	Social isolation	Legal

SHARE YOUR PROBLEM WITH A TRAINED TELEPHONE COUNSELLOR

Phone: 25.7711 - Daily between 4 p.m. and midnight
Also 10:30 to 1:30 p.m., Monday - Friday

Home phone of Rev. Haste: 25.5632

Bank of New South Wales (PNG) Ltd.

Beng ov Nu Saut Wels (Bank Of New South Wales), em i namba wan beng tru i kamap long Papua Niugini, nau em i gat nupela nem i pas stret long dispela kantri. Em hia: Beng ov Nu Saut Wels (PNG) Ltd. Nem PNG i kam insait long en nau.


Papua Niugini nau em i independen, i olsem em i sanap long lek bilong em yet. Olsem tasol beng bilong mipela i no hangamap moa long Australia, tasol i sanap long lek bilong em yet insait long Papua Niugini. Em i kampani bilong PNG nau. Bilong dispela i gat tok PNG insait long en.

Beng bilong mipela bai stat long wok aninit long dispela

nupela nem long namba wan de bilong Oktoba, 1975.

Tasol dispela nupela nem na kampani i no senisim pasin bilong mipela long lukaut gut long mani bilong ol pipel. Bilong dispela mipela i gat 21 ofis na beng insait long Papua New Guinea. Mipela i promis long skruim gutpela wok i go, gutpela wok bilong lukautim mani na givim dinau olsem mipela i bin mekim long dispela kantri long yia 1910 i kam inap nau. Long 1910 mipela i bin stat long Port Moresby.

I tru, nem bilong mipela i bin senis liklik. Tasol gutpela pasin bilong mipela i no senis. Nogat. Em i olsem bipo. Na em bai i no ken senis.



Mep hia i soim ples we ol beng bilong mipela i stap.



Bank of New South Wales (PNG) Ltd.




*Antap: Prins Charles wantaim Brigadia Jeneral Ted Diro hetman bilong ami.
Daunbilo: Lain bikpela manmeri. Kirap long lephan: Mr. Mamaloni (Solomon
Ailan), Mr. Malik (Indonesia), Misis Marcos (Filipin Ailan).*





Antap: Mr. Gough Whitlam, hetman bilong Australia i kam long smokbalus.
Lephan: Sir John Guise, gavana jeneral, sekan wantaim man bilong Mekeo
Daumbilo: Mr. Michael Somare i tok tru antap long alta insait long lotu.



Kain Kain Aidia Long Independens i Kam

Planti pipel i wari nau long wanem ol i no bin kisim o lukim independens bilong ol. Sampela ol i tingting nogut tru long wanem gavman i no bin salim dispela samting long hap o viles bilong ol.

Ol i tok gavman i bin maus wara o giaman tasol. Wampela man i tok mipela i bin wetim long lukim independens long hap bilong mipela tasol samting hia i no bin kamap.

Sampela i bin ting olsem long Independens De, ol waitman bai pekim samting bilong ol na i go

bek ol as ples bilong ol yet, tasol dispela t ol i no bin mekim. Ol i bin makim pinis lon tingting bilong ol long kisim ol haus, ka na bis nis bilong ol waitman tasol nau ol pilim bamba ol i no inap long kisim.

Sampela i bin pasim tok long kisim wampela in dependens bilong papa, narapela bilong mama n ol pikinini tu, tasol ol dispela independens bin i kam long ol.

Sampela gen i tok em i wampela bikman bilong Ingran na em i bin i kam tasol long Port Moresby bilong givim b'fising long Namba Wan Minista na i bin tokim em long lukautim PNG gut. Ol i bilip dispela mar tasol i bin givim independens long Australia na Amerika. Olsen na ol dispela kantri i stap ris tru. Ol dispela lain ol i gat wampela kain tingting tu olsem, man hia i bin lusim wampela liklik samting i stap wantaim Namba Wan Minista. Ol i pilim dispela samting bambai soim gavman olgeta gutpela rot na pasin bilong kisim olkain save bilong mekim pipel i kamap ris.

Sampela i tok PNG i bagarapin pinis ol independens famili. Ol i bin tok Mis Josephine Abaijah na lain bilong em i bin kisin "pikinini" na mama bilong em i kros na i go marit long hap bilong Bougainville na lusim papa long lukautim Hailans na Nambis bilong Niugini. Tasol ol i tok dispela kain pasin bambai inap long kamapim trabel long dispela kantri.

Sampela i bin tok independens i min senisim plak bilong Australia wantaim bilong PNG yet. Ol wan wan viles i bin laik kisim PNG plak tasol ol kiap i no bin givim long ol, ol i bin tok.

Planti narapela pipel i bin tok ol i no save wanem samting tru em i independens. Tasol long tingting bilong kaunsila Manki Kaoti bilong Kainantu, independens i bin min "Hat Wok na Pawa". Em i tok long independens PNG gavman i mas kisim olgeta pawa bilong mekim ol lo na lukautim pipel bilong en long han bilong gavman bilong Australia. Em i tok sapos Australia i holim bek sampela long ol dispela pawa, bambai PNG i no inap kamap olsem independens kantri.

Na ol pipel long dispela kantri i mas wok hat tru long kamapim gutpela sindaun bilong ol yet.

Wantok...
Yu laik go we?
Yu laik go mekim wanem?
Yu laik go long malolo?
Yu laik go lukim ples na papamama?
Yu laik go long pilai?
Yu laik go long wanem hap tru?

Wantok...

Yu no ken wari tumas long ol dispela askim. Talair i gat save tru long dispela samting. Larim Talair i ken helpim yu—na bai yumi amamas wantaim!

Sapos yu laik bosim balus bilong yu yet, i orait tu. Talair i gat kain kain balus yu ken chata. Em i chata bilong yu yet. Taim yu laik redi—balus bai i go. Yu yet ken makim taim bilong balus i ken i go.

Sapos yu laik go long balus long ron Talair i makim pinis, i orait tu—laik bilong yu!

I gat kain kain balus bilong baim-sampela

bilong karim faivpela man, sampela bilong karim nainpela na sampela bilong karim wampela ten nain man.

Kam lukim mi pastaim na toksave. Em ol balus bilong Papua Niugini tru. Ol dispela balus i save go long olgeta ples bilong Papua Niugini, maski em i liklik ples o nogat. Sapos ples balus i stap—mi inap! opis bilong Talair i stap long olgeta taun bilong Papua Niugini.



TRAIM TALAIR—EM I LAIN BALUS BILONG YU NA PAPUA NIUGINI STRET

TALAIR 
 PTY. LTD.

TSO102

Chan i pairap

Mista Julius Chan, linista bilong Fainens, bin pairap long samela lokal gavman kaunil long wanem ol i ingaut singaut tasol ong mani bilong gavman ong olkain wok long ria bilong ol. Tasol ol et i no laik bungim akismani long ol dispesa samting.

Mista Chan i tok em i pret planti pipel tumas sindaun long baksait tasol na taitim han i goaut long pulim mani. Em i nogut.

Aidia bilong gavman i bilong helpim ol wok ve ol man yet i insait wantaim mani na save bilong ol pastaim. Gavman i laik helpim ol man i save helpim ol yet

Dispela pasin bilong sindaun na singaut tasol em i pasin nogut; em i les pasin, na i no pasin bilong go het. Em i mas pinis.

Ol memba apim pe bilong ol

Ating yu save ol memba bilong Haus ov Asempli i kisim hamas pe?
Ol memba nating K5,120
Ol minista - K8,500
Prais minista: K12,000


Man olsem memba nating i kisim K5,1200 long yia - em i min em i save kisim samting olsem wan handet kina long wan wan wik.

Ol memba no kibung moa long nait

Lóng las Haus ov Asempli ol memba i bin vot prait long ol i kibung tasol long san. Ol bai niting long 10 klok morningtaim i go inap 5 klok long apinun tasol.

Bipo planti memba tumas i no save kam bek long ol miting long nait, long wanem ol i go long hotel na i pas olgeta.





* Bihain long lotu bilong olgeta sios wantaim long Port Moresby, Brigadia Diro i toktok wantaim Bisop ToPaivu (Katolik), Bisop Henaus (Yunaitet Sios), na Pasto Nadup.

NAMBAWAN KAIKAI BILONG OL FAMILI




Lukautim bai tripela kaikai hia i swit na i gat strong long en i stap oltaim long haus bilong yu.
HEINZ kompani i yusim gutpela samting tasol bilong wokim ol dispela kaikai. Sapos yu laik hariap redim strongpela kaikai - na tomato sauce i gutpela tru na swit moa - lukautim mak bilong HEINZ.

Heinz

2167E

SINGER

*A Trademark of The Singer Company






PREN BILONG YU INAP OLTAIM

ASKIM LONG
NAMBawan
TIN MIT GLOBE
NA SITA



KING FEATURES SYNDICATE



Madang haiskul spot kanival



Wina Sen Fidelis Semineri Tim

Moa long 1400 Haiskul sumatin i gat bikpela pilai long Madang, long 11 i go inap long 15 de bilong mun Ogas. Ol lain sumatin bilong Sen Fidelis Semineri, S.V.D. Haiskul, Tusbab Haiskul, Madang Tech Koles, Bogia Katolik Hai, na Karkar Haiskul i insait long dispela pilai.

Ol sumatin manmeri i putim taim tru long ran, tromoi spia, tromoi bal ain, kalap na pilai bal. Na long ol dispela samting Sen Fidelis Semineri i win long Senia Divisen wantaim 99 poin. Tech Koles i kam namba tu wantaim 79 poin.

Ol lain man husat ol i mekim gutpela ran, tromoi, na kalap em ol hia: P. Gundu (Chimbu), J. Aitule (Morobe), O. Jenjet (Madang), D. Keta (Mendi), T. Aibalé (Morobe), A. Raire (W. Sepik), na J. Malts (Mt. Hagen).

J. Malts i winim pinis olupela rekot bilong tromoi diskus long Madang Senia Divisen na wokim nupela rekot dispela taim tu. Na long 4x400m rele resis Sen Fidelis i win na i bin mekim nuperekot long taim 3:48.7 sekon.

Long Senia Gels Divisen, S.V.D. Haiskul i winim namba wan ples. S. Kaupa i mekim gutpela ran tru.

Long ol Junia Boi, Karkar Hai i kam namba wan; fusbab namba tu na Sen Fidelis namba tri ples. Long Junia Gels, Tusbab Hai i kam namba wan.



* Poto antap i soim lain bilong studen i pinisim nau kos long Institut bilong Trenim ol Loman. Ol i winim Yunivesiti pinis na nau ol i redi long wok long kot. Kirap long lephan na lukim ol i sarnap: David Awaita, Ephraim Jubilee, Anthony Crane, Sebulon Watt, Miskus Miskarum. Paslain: John Alman, Paul Mango, Les Gavara, Bernard Amnol.

BAIM WANTOK

Sapos yu wampela yu laik kisim WANTOK i kam long yu stret, orait yu salim dispela tiket i kam;

Mi laik kisim WANTOK niuspepa inap wan yia olgeta. Nau mi salim K5 (\$5.00) i kam;

Nem:

Adres:

Salim i kam long:

WANTOK - P.O. BOX 396 - WEWAK





"Coke em i samting tru"




N.G.I. INDUSTRIES LAE, AUTHORISED BOTTLERS OF COCA-COLA AND FANTA.

15.5598



* Antap:lephan: Prins Charles makim pes ston bi-long nupela haus palamen bai ol i wokim.
 * Antap: Ben bilong plisman na ami welkamim ol.
 * Lephan: Hetman bilong ami: Brigadia Ted Diro na hetman bilong plis: Komisina Pius Kerepia, tu-pela i autim promis long ai bilong ol pipel.



AFFILIATED WITH LIFELINE INTERNATIONAL

LIFELINE PORT MORESBY

TELIPON I KEN HELPIM WARI BILONG YU

P.O. BOX 6047
 BOROKO
 PAPUA NEW GUINEA

Ring long Port Moresby na wanpela saveman i ken stretim wari long yu

Yu gat wari?	Yu save long pasin bilong	Yu laik kilim yu yet?
Yu gat trabel?	stap gut wantaim poroman?	Yu gat trabel long kot?
Yu save spak oltaim?	Yu wanpis oltaim?	
Yu gat bel?	Marit bilong yu i laik bagarap?	

AUTIM WARI LONG WANPELA SAVEMAN I SINDAUN I WET LONG TELIPON LONG HELPIM YU.

Ring long: 25.7711 olgeta de long 4 klok apinun inap biknait
 Long Mande inap Fraide, long 10:30 inap 1:30 klok tu.

Telipon bilong Pasto Haste - haus bilong Pasto Haste: 25.5632